



UNIVERSITÄTS-
BIBLIOTHEK
PADERBORN

Universitätsbibliothek Paderborn

ANALYSIS|| FIDEI CA=||THOLICAE,||

Valencia, Gregorio de

Ingolstadii, 1585

VD16 V 55

De Qvibvsdam Qvasi Definiendi Regulis, quæ in determinandis fidei
controversiis consuli debent, & primum de sacra Scriptura.

[urn:nbn:de:hbz:466:1-47934](#)

DE QVIBVS DAM QVASI DEFINIENDI RE-
gulis, qua in determinandis fidei controversiis consuli de-
bent, & primum de sacra Scriptura.

VT Igitur à sacra Scriptura exordiamur, quinque
potissimum, quô rem omnem fusissimè ab aliis tra-
ctatam paucissimis complectamur, de ea sunt annotāda.
I. Quid sit. II. Quibusnam libris cōtineatur. III. Quan-
tam habeat auctoritatem. IIII. Vtrum iij etiam numero
Bibliorum libri, quos hodie habemus, suppeditare om-
nino possint argumentū infallibile ad concludendum
aliquid siue definiendum tanquam certum ex fide: in
quo est sanè huius loci præcipua quædam difficultas.
V. Postremò, quibus rationibus vti oporteat, vt vera
sententia ex Scripturæ locis elici possit.

Q uod ad primum attinet, constat inter omnes, Scri-
pturam, diuinam esse doctrinā, quam Spiritu San-
cto inspirante atque dictante auctores sacri literis man-
dauerunt. Itaque & Apostolus eam nominauit doctrinam
diuinitus inspiratam, & idcirco etiam Dei verbum lite-
ris expressum dicitur. Etenim cognitio illa sacrī expres-
sa literis, quam Deus Canonicis scriptoribus indidit,
quamque per illos voluit ceteris scripto patefieri, velut
sonorum quoddam verbum Dei est, quo is videlicet con-
ceptum æternæ mentis suæ, notitiamque verissimam,
hominibus eloquitur atque manifestat.

Cæterū cùm doctrinam hanc Spiritu sancto di-
stante esse à sacrī auctōribus exceptam literisque man-
datam dicimus, non vtcunque significare volumus, Spi-
ritu sancto dirigente sacros auctores illam infallibiliter
scripsisse. Nam & Pontifices summi certam quandam
Spiritū sancti assistentiam habent, cùm definiunt con-
trouersias fidei, vt antè ostensum est; neque tamen illo-

Traditio tota
de Scriptura
sacra quinque
punctis conte-
netur.

I.

Scriptura sacra
ratio qua sit.

2. Tim. 3.

Quare Scriptu-
ra nominetur
Dei verbum
expressum.

Quo sensu in-
telligi debeat,
eam a Spiritu
sancto fuisse
dictatam.

*Scriptores Ca-
nonici quomo-
do se habuerint
in sacra doctrina
naturis man-
danda.*

Psalm. 44.

*Quid sit Scri-
ptorem sacrum
age potius à
Spiritu sancto
quam agere.*

Ierem. 36.

rum definitiones, quantumuis ab ipsis conscriptæ, Scriptura sacra sunt, aut esse dicuntur, sicut nunc quidem lo-
quimur de Scriptura sacra. Auctores igitur Canonicos scribere Spiritus sancto dictante, ob eam rem propriè dici-
mus, quoniam in doctrina scripto tradenda sic illorum opera Spiritus sanctus vtitur, vt in eo quidem negotio,
non tam illi agant quām agantur à Spiritu sancto; plane instar calami, cùm usurpatur à scriptore. Quo & illud Da-
uidis spectat: *Lingua, inquit, mea, calamus scribae velociter scribentis.* Nec enim alium hoc loco Scribam significat
Præterquam ipsum Deum: quem & alibi ait: *Emittere legiū suum terræ, & velociter currere sermonem eius.*

Porrò sacrum Scriptorem agi potius à Spiritu sancto, quām agere, asserimus, primum propter facilitatem, qua is sine ullo suo labore, Spiritu sancto docente ac di-
rigente, cognoscit ac scribit omnia etiam minutissima verissimè: cùm tamen Pontifex, vt rectè, hoc est, sine cul-
pa definiat, & studio ac diligentia opus habeat, nec etiam omnia sint certa ac infallibilia, quæ obiter ille inter defi-
niendum asserit, vt suprànotauimus. Hanc autem aucto-
ris scripturam facilitatem in cognoscendo atque scribendo cer-
tissimè, *velocitas illa* significat, quam David locis proximè
citat is divino tribuit eloquio. Itaque cùm Baruch à Prin-
cipibus Israel interrogatus esset, qua ratione Ieremias ipse librum dictauisset: *Loquebatur, inquit, ex ore suo, quasi legens omnes sermones istos.* Quo loco significat, perinde fuisse facile Ieremias, Spiritu sancto suggestente, illa om-
nia pronunciare, atque est omnino, aliquam Scripturam simpliciter legere.

Deinde ob eam caussam quoque Scriptorem sacrum agi potius à Spiritu sancto asserimus, quia et si sponte quidem scribat, at scribit tamē omnino necessariō, ita

vt

¶ (Spiritū sancto ſic efficaciter volente) minimè in iſi-
us arbitrio ſit poſitum aut non ſcribere, aut alio modo,
alio tempore, aliis verbis ſcribere: cùm tamen ſummus
Pontifex (quod ad eā quidem attinet definitionis cir-
cumſtantias) arbitrio ſuo in definiendo vtatur. Atque
hoc iſum propriè eſt, auctorem ſacrum eſſe quaſi Spir-
itu ſancti calamum, in cuius videlicet potestate non eſt,
ut eo ſcriptor vtatur, vel alio modo vtatur. Ex quibus
non modò Scripturarum ſacrarum ratio, ſed etiam diſ-
cimen inter illas & alias Scripturas humanas, perſpicu-
um eſt. Quæ ſanè de re & de Scripturarum nomine, argu-
mento, antiquitate, &c. eruditè inter ceteros træcat Io-
annes Driedo.

Lib. I. de Scri-
pturis, cap. 1.

DE SECUNDО autem punc̄o breuiter ſtatueritū eſt,
Scripturam ſacram illis omnibus ac ſolis contineri
libris, qui communiter nunc exſtant in Bibliis ſacris, exce-
pto tertio & quarto libro Eſdræ. Quæ aſſertio ex fide eſt
certiſſima. Nam libros hos Ecclesiæ Canon ex veteri tra-
ditione probauit. Eſt enim Ecclesiæ officium ea, quæ ſunt
diuinitus reuelata, fidelibus credenda proponere, ac pro-
inde etiam quinam ſint libri ſacri in primis determinare.
Id quod etiam Diuus ^a Augustinus & paſſim alij Patres
conſirmant: ut non immeſitò idem ſit in ^b Concilio eti-
am Tridentino definiſtum.

II.
Qui libri ſint
Canonici.

Porrò libri iam dicti tanquam ſacti & Canonici non
modò in Concilio ^c Florentino ſub Eugenio quarto & in
^d Tridentino numerantur, ſed iidem etiam probati olim
fuerunt à Concilio ^e Carthaginensi tertio (à Leone quar-
to Pont. conſirmato) & ab Innocentio primo. Et eoz
dem tanquam Canonicos numerauit ^f Innocentius pri-

Ecclesiæ auctor-
itate conſtituit
canonem libro-
rum ſacrorum.
^a Lib. 13. cont.
Faſtum c. 5.
& l. 23. c. 9. & l.
33. c. 6. & l. 1. de
de conſensu
Euang. c. 1. Et
Irenæus lib. 3.
c. 4. quatenus
aſſerit veritatē
fidei non niſi
ab Ecclesiæ pe-
tendam eſſe.
Item Patres
Concil. Tole-
tanit. in aſſer-
tione fidei. D Athanaſ. in Synopſi, &c. & Sess. 4. c Invnione Armen. d Sess. 4. e Cap. 47.
^f Epift. 3. ad Exuperium.

g Lib. 2 de doctrin. Christ. cap. 8.
h Lege præfertum Melch. Canum, lib. 2. delocis Theolog. cap. 9.
i Lib. 6. demonstrat. Euan. gel. cap. 19.
k Lib. 2. pædagogici. cap. 3.
l ut constat. Ierem. 36.

mus, & ^g Augustinus, qui Concilio illi Carthaginensi interfuit. Quanquam fatendum est, ante Concilium Florentinum non fuisse in locis citatis factam libri Baruch expressam mentionem. Sed ut à pluribus recte ^h notatum est, caussa cur hic liber in Catalogo olim præteritur, non fuit, quod pro Canonico non haberetur. (est enim illius etiam prophetia planè diuina, vt iam olim ¹ Eusebius Cæsariensis, & ^l Clemens Alexandrinus disserunt testati sunt) sed quod Baruch scriptor fuerit ¹ Ieremiz. Itaque librum illius ad Ieremiæ librum veteres Patres retulerunt.

Auctoritas eorum liborum quoque Canone resurgunt. Secundum probatur Veterum testimonium.

m Epist. 1. & 2.
n Epist. 1.
o Epist. 1.
p Epist. 1.
q In Concil. 70. Episcop. Refertur inter eius decreta.
r In prefat. in lib. Judith.
s Epist. 1.
t Epist. 2.
v Epist. 1.
x Lib. 2 de doctrin. Christ. cap. 8. & lib. de præd. Sanct. cap. 14.

y Rom. II. & Iacob.

z In cap. 5. ad Rom. *a* Lib. 18. de ciuit. Dei. cap. 36. & 12. de doctrin. Christ. c. 8. *b* Lib. 6. Etymolog. c. 1. *c* In prefat. super epist. ad Hebr. *d* Cap. 10. *e* In Synopsi sub finem enumerationis epist. Pauli. & Apocal. *f* Apud Euseb. lib. 6 hist. Eccl. c. 18. *g* In prefat. epist. ad Hebr. *h* Lib. 3 de Trin. cap. 11 & lib. 2. de doctrin. Christ. cap. 8. &c. *i* In epist. ad Dardan.

Atque auctoritas quidem eorum etiam librorum nominatim, quos huius tempestatis Sectarij pro Canonis non habent, præterquam quod hi etiam libri inter Canonicos ab Ecclesia locis citatis numeratis sunt, passim quoque ab antiquis Patribus asseritur atque ut sacrosancta usurpatur. Libri quidem ^m Tobie, à Clemente primo, ab ⁿ Anacleto, ab ^o Alexandro I. à ^p Marcello I. à ^q Gelasio. Libri ^r Judith ab iisdem Patribus, itemque teste Diuo ^r Hieronymo, à Nicæna Synodo. Libri ^s Sapientia & Ecclesiastici, ab ^t Euaristo, à ^v Fabiano primo, à ^x Sixto primo, ab ^y Augustino: quin etiam in ipsa Scriptura ^y noui Testamenti ex eiusmodi libris, sicut ex aliis Canonicis, testimonia citantur. Librorum ^z Maccabeorum ab ^z Origene, ab ^a Augustino, ab ^b Isidoro (sicut & libri omnes iam commemorati) & ab aliis. Epistolæ ad ^c Hebreos, à Concilio Nicæno teste Diuo ^c Thoma, item à Concilio ^d Ephesino, & grauissimis sanè verbis ab ^e Athanasio, ab ^f Origene, à ^g Theodoreto, ab ^h Augustino, ab ⁱ Hieronymo. Posterioris

oris Epistolæ Diui Petri ab^k Hieronymo, ab^l Augustino,
ab^m Isidoro, àⁿ Damasceno. Secundæ & tertiae epistolæ
Ioannis ab iisdem Patribus, itemque à Diuo^o Dionysio.
Epistolæ Iacobi à Concilio^p Laodiceno, à^q Clemente
Romano, ab^r Anacleto, ab^s Alexandro primo, ab^t Vr-
bano primo, ab^v Hieronymo, ab^x Augustino, ab^y Isido-
ro, à^z Damasceno. Epistolæ Iude ab^a Anacleto, à Diuo^b
Dionysio, ab^c Hieronymo, ab^d Isidoro, à^e Damasceno
& passim aliis. Apocalypsis denique Diui Ioannis, à Con-
cilio^f Ancyrano, à^g Toletano quarto, à^h Tertulliano,
ⁱ Origene, ^k Epiphanio, ^l Chrysostomo, ^m Hieronymo,
ⁿ Damasceno, passimque ab omnibus aliis.

^r Epist. 1. ^s In Catalogo script. Ecclesiæ. ^t Lib. 2. de doctrin. Christ. cap. 8. ^u Lib. 6. Etymol. c. 1.
^v Lib. 4. fid. Orthodox. c. 18. ^w Epist. 1. ^x Lib. cœlest. hierarch. c. 3. ^y Epist. ad Paulinum.
^d Lib. 6. Etymolog. c. 1. ^e Lib. 4. fidei Orthodox. c. 18. ^f Cap. 24. ^g Cap. 16. ^h Lib. 4. cont.
Marcion. ⁱ Apud Euseb. l. 6. c. 18. ^k Hæresi 51. ^l Teate Suida, vbi agit de Ioanne Euang.
^m Epist. ad Paulinum. ⁿ Lib. 4. fid. Orthodox. cap. 18.

Nec verò Sectarij vt hos libros Canonicos esse ne-
gent, iustè ea ratione mouentur, quod à nonnullis olim
fuerit de horum auctoritate librorum addubitatum.
Quid tum? An non etiam pleraque fidei Decreta, motis
præsertim controuersiis, tandem clarè definita in Eccle-
sia atque ad credendum sine vlla dubitatione fidelibus
proposita sunt, de quibus antea tamen obscurata nonni-
hil fidei veritate (vt hominum interdum conditione in-
nataque caligine fit) dubitari potuit? Nónne & ipsi citi-
am^o veteres, eos libros, de quibus aliquando dubitatum
fuisse, tandem vsu atq; Decreto Ecclesiæ certam auto-
ritatem obtinuisse agnouerunt? Sed Ecclesiæ, inquit
Kemnitius, quæ nunc est & post Apostolorum tempora
fuit, auctoritatem afferenti aliquorum librorum tūm
demum credendum est, si possit proferre certa testimo-
nia eorum, qui acceperant & nouerant testificationem
primæ Ecclesiæ de Germanis scriptis.] Agnoscent atq;

V faten-

^l In epist. ad
Paulin.
^o Lib. 2. de do-
ctrin. Christ.
cap. 8.
^m Lib. 6. Ety-
molog. cap. 1.
ⁿ Lib. 4. fidei
Orthodox.
cap. 18.
^o Lib. de cœ-
lest. hierarch.
cap. 3.
^p Cap. 59.
^q Epist. 2.
^r Epist. 1.
^s Epist.
^t Epist.
^u Epist. 1.
^v Epist. 2.
^w Epist. 1.
^x Epist. 1.
^y Epist. 1.
^z Epist. 1.

^o Hieron. in
Catalog. scri-
ptor. Ecccl. de
Iacobo & Iu-
da. D. August.
lib. 2. de doctr.
Christ. cap. 8.
Athanasius in
Synopsi, &c.

In examine
Sess. 4. Concil.
Trident.

falentur isti igitur, posteriorem Ecclesiam in eo ipso quidem quod de primæ Ecclesiæ testificatione documenta quædam atque testimonia proferat, non posse nos fallere. Nam si illa ipsa testimonia atque documenta potest comminisci, non esset illi tum certè credendum. Quid igitur? An in proferendis antiquæ primæque Ecclesiæ testimoniis de libro aliquo sacro fallere Ecclesia non potest, & in ipsa assertione auctoritatis libri sacri, potest fallere? Quid autem, si veterum documenta de alicuius libri sacri antiqua testificatione interirent? Ideò ne dubiam oporteret esse semper in posterum auctoritatem eiusmodi libri, nec posset aliquid de illa certi, Spiritu sancto suggestente, Ecclesia statuere? Accedit, quod ex allatis testimoniis veterum pro auctoritate illorum librorum apparet ita tandem fuisse pro maiori & potiori parte in Ecclesia eosolim pro Canonicis habitos, ut si qui contra illorum auctoritatem reiecerunt (ferè enim in genere tantum perhibetur, à quibusdam illos non fuisse receptos vel de illis fuisse dubitatum, &c.) fidem non mereantur: meritoque habeantur ab Ecclesia testimonia contraria pro certis. Et nihilominus tamen rectè monuit

Lib. 2. de doct. Christ. c. 8. Augustinus (ex mente etiam aliorum veterum) in ipsis Scripturis Canonicis illas primo loco habendas esse, quæ vel auctoritate communi, vel certè plurium Ecclesiærum, sint olim receptæ: non quod aliquas ex iis, quas Augustinus in Canone numerauit, putarit ipse non esse infallibilis (vocat enim absolutè eas omnes *Scripturas divinas*) sed quoniam illæ certè quæ vel à nullis vel à paucioribus in dubium reuocatae fuerunt, quodammodo, ex parte quidem ipsorum hominum, sunt certiores, magisque adeò idoneæ ad auctoritatem dogmatum in controversiis questionibus confirmandam. Quod est diligenter

Loco citato
initio capit. 8.

ter aduersus Kemnitij & aliorum Sectariorum cauillationes in hac quæstione notandum. Sed neque institutum meum postulat, nec patitur breuitas mihi proposita, vt argumentum hoc à pluribus aliàs copiosè tractatum, prolixius hīc ego persequar; quod ipsum tamen sati mihi videtur hac explicatione, & illis, quæ commemorauit, Ecclesiæ antiquitatisque testimoniis, esse firmatum.

Illud fortasse dicet nunc aliquis: Scriptura quædam quasi regula est (vt in hac disputatione ponimus) qua debet Ecclesia adeoque summus Ecclesiæ Pastor, nisi in fidei controversiis determinandis. Non igitur ad Ecclesiæ spectat constituere, quænam sit Canonica Scriptura. Nam si ad eam id spestat, primùm Ecclesia regula potius iam erit Scripturæ, non è contrario. Deinde, perinde nobis erit, si Ecclesia ex Scriptura tanquam ex regula definiat, atque si absque vlla regula definiret: siquidem ipsa Ecclesia sibi auctoritate propria constituit ad definitiendum regulam. Ita definitiones illius non esse debebunt apud nos magni ponderis.

Ego verò ad hoc breuiter ita respondeo. Si Ecclesia in determinandis libris Canonicis humano spiritu ducetur, omnino incommodum esset, quòd ad Ecclesiam pertineret determinatio Scripturæ Canonicæ, ex qua sunt ab ipsa Ecclesia definiendæ fidei quæstiones. Modo verò, cùm à Spiritu sancto in ea determinatione, sicut & in aliis omnibus (vt suprà demonstratum est) Ecclesia dirigatur; nullum omnino est incommodum, quòd ipsa etiam Ecclesia regulam illam infallibiliter ditudicet, ex qua oporteat fidei controversiam certò determinare. Habet enim Ecclesia de vtroque certam à Deo promissionem, videlicet, & quòd controversiam fidei certò de-

Lege præser-
tim Ioan. Drie-
don. lib. 1. de
script. & Ca-
num, lib. 2. de
locis Theol.
& Andradiu.
& Tiletanu.
contra Kem.

Ecclesiæ in
definitionibus
fides Scriptura
Canonica nō
oportere, & ta-
men ab illa ipsa
determinari
quænam sit
Scriptura Ca-
nonica; cur non
sit in commodū.

V 2 finit,

finier, & quod infallibiliter adeò cognoscet, quænam sit Scriptura diuinitus reuelata, cui oporteat esse consentaneam illam fidei definitionem.

Hoc ex ea potissimum Christi promissione colligitur, quæ exstat in Euangeliō Ioannis: *Ille, inquit, vos docbit omnia, & suggesteret vobis omnia, quæcumque dixerim (seu dixi) vobis.* Hoc enim vel maximè propriè est, Spiritum sanctum Ecclesiæ suggestere, quæ Christus dixit; docere nimirum illam, quænam sit coelestis doctrina, quam Christus per Apostolos suos vel scripto vel viua voce loquutus est. Itaque si hanc Ecclesiæ auctoritatem tribuimus, nullum inde incommodum consequitur ex iis quæ obiecabantur. Primùm enim non ideò concedendum est, Ecclesiam esse regulam ipsius per se Scripturæ (vt Sectarij nos existimare vel malitiosè vel ignoranter cauillantur) sed nobis ipsis potius auctoritatem Ecclesiæ pro certa regula propositam esse, vt quænam sit diuina doctrina sine errore cognoscamus. Deinde cum Spiritu sancto docente, atque adeò infallibiliter, Ecclesia etiam determinet quænam sit Scriptura diuina; nihilo minoris pondoris apud nos esse debent Ecclesiæ definitiones consenteant huic Scripturarum regulæ, quām si non ipsius Ecclesiæ auctoritate, sed aliunde quænam sit diuina Scriptura certò nobis constaret. Quid enim omnino certius eo esse potest, quod Spiritu sancto suggestente ab Ecclesia discernitur?

III.
Quanta Scriptura sacræ auctoritas.

Scripturam esse doctrinam diuinam quare credamus.

QUIBUS rebus ita explicatis nihil ferè difficultatis surrest in puncto tertio suprà posito: nempe quanta sit Scripturæ auctoritas. Est enim diuina prorsus a proinde omnino infallibilis. *Quod ipsum quidem ex fide nobis constat, tum ob reuelationem diuinam in eadem Scriptura contentam, tanquam ob rationem, in quam propriè*

propriè ipsa fides respicit: tūm etiam ob Ecclesiæ Propositionem, tanquam ob conditionem quandam, vt id ipsi Christiana fide credamus, réquisitam: tūm postremo ob communia fidei motiuæ, tanquam propter argumenta videlicet, quibus animum inducimus credere nō modò quæ in Scripturis continentur esse omnia verissima, sed in primis etiam Scripturas ipsas esse diuinæ. De quibus rebus cùm in huius libri initio satis à nobis dictum sit, nihil est hoc loco repetendum.

Tantum ad quæstionem illam, quam nonnulli (nescio an satis utiliter) h̄ic mouerunt, utra videlicet sit maior auctoritas, Scripturæ ne an Ecclesiæ? Breuiter mihi videtur tribus pronūciatis respōderi posse. Primò, auctoritatē Ecclesiæ latius quidē patere, atq; ita extensiū quidem (sicut in scholis loquimur) posse dici maiorem. Secundò, reipsa sanè neutram per se seu intensiū esse altera maiorem absolutè, pariq; adeò per se veneratione utramque esse dignam. Tertiò, si ad vtriusq; auctoritatis quandam quasi modum, maioris cuiusdam esse dignitatis auctoritatē Scripturæ, hoc est, meritò à nobis eam tanquam diuinius aliquid suspici.

Primum probō. Quoniam Ecclesia sanè auctoritatē habet infallibilem & asseuerandi directō ipsam veritatem fidei (in quo cum Scriptura, quoad infallibilitatē quidem conuenit, etsi non quoad modum asseuerandi) & præterea proponendi fidelibus ad credendum tūm ipsam Scripturam, tūm etiam clare & expressè quamcunq; fidei veritatem in omnibus omnino controuersiis quæ oriri possunt, id quod non perinde Scriptura præstare potest, vt satis suprà docuimus.

Secundum autem pronunciatum ea ratione probō, quod tam Ecclesia, quam Scriptor Canonicus codem

v 3 Dei

Parte I. initio.

Respondeatur ad
quæstionem de
comparatione
Scripturæ & Ec-
clesiæ tribus pro-
nuntiationis.

1.

2.

3.

Auctoritatē
Ecclesiæ latius
patere quam
auctoritatē
Scripturæ.

Utramq; au-
toritatē esse per
se aquæ infalli-
bilem.

Dei Spiritu suggestente pronunciant. Itaque, quod attinet quidem ad afferendi infallibilitatem & certitudinem, paris sunt per se auctoritatis. Tertium deniq; probo ex diuerso modo, quo, ut suprà docuimus, aliteratq; aliter Ecclesia, & scriptor Canonicus, Spiritus sancti instinctu pronunciant. Habet enim modus ille scriptoris Canonicus quid maioris dignitatis propterea quod non tam ipse scriptor agit in ea re quam agitur, nec videtur proinde nisi Deus ipsem per Scripturam loqui. Accedit quod Ecclesia ipsa etiam nititur in suis definitionibus Scripturæ auctoritate, tanquam fidei quodam fundamento ob diuinam reuelationem, quæ sacris ipsis literis continetur. Quæ omnia sanè efficiunt ut secundum nos quidem, & secundum modum utriusq; auctoritatis, maior quædam in Scriptura, quam in Ecclesia dignitas esse videatur. Quæ explicatione adhibita, non erit difficile auctorum hac de re varias sententias in concordiam redigere. Et certè oportet conueniat re ipsa inter Orthodoxos de hac quæstione, modo recte illius ambiguas distinguiatur.

IV.
Vtrum hi libri
sacri quis nunc
exstant, sint in-
fallibles.

*Argumentum I.
in partē nega-
tiuam.*

QUARTVM, quod de Scriptura explicandum proponueramus, difficultatē propterea non exiguum habet, quod ut ex iis numero libris sacris, qui circumferuntur, argumentum infallibile ducatur, necesse est constet, illos ipsos prorsus esse sacros, qui veritatem videlicet infallibilem contineant. At hoc non satis constare posse videtur.

PRIMO, quoniam non sunt Latini isti libri illi ipsi, qui Spiritu sancto dictante à Canonicis auctoribus partim Hebraicè partim Græcè excepti sunt, sed alii certè vel interpretum vel impressorum opera descripti; qui quidem errare potuerunt negligenter ex alio idiomate verten-

vertendo, aut imprimendo typis. Cuius rei argumento etiam esse videtur impressionum atque versionum tantam varietas.

SECVNDO, quoniam si maximè constaret, hos libri nullo modo, quod ad sententiam attinet, ab originalibus discrepare, ac proinde esse diuinos; at non satis constare videtur, omne illud esse infallibile, quod diuinus est dictatum. Cur enim non posset Deus, potentia saltem sua absoluta, per se aut per hominis ministerium generare in hominum mentibus conceptum falsum? Et accedit ad huius rei confirmationem, quod non semel videtur Deus iam falsum per se aut per alium dixisse. Quod probari posset ex nonnullis Scripturæ locis. Primus est Genesis quarto, ubi Dominus Cain verētine occideretur dixit: *Nequāquam ita fiet, & tamen ita postea factum est.* Nam aliqui Doctores putat, cūm imperfectum à Lamech. Secundus est Genesis vigesimo secundo; ubi Abraham consensurus montem, ut immolaret Isaac, dixit ad pueros: *Exspectate hic: ego & puer illuc usq[ue] properantes, postquam adorauerimus, reuertemur ad vos.* Quo loco primum instinctu diuino Abraham est locutus, ut ait Diuus Ambrosius; & tamen, ut appareat, est mentitus: siquidem putabat se immolaturum Isaac. Tertius est Genesis viigesimo septimo, ubi Iacob fraudulenter egit cum Isaac patre suo, & omnino mentitus fuisse videtur, inquiens: *Ego sum primogenitus tuus Esau,* quæ tamen, ut ait Innocentius P̄ofex, Spiritu Dei instinctus ille ita dixit. Quartus est Esaiæ trigesimo octauo (de quo etiam quarto Regum vigesimo) ubi Dominus per Esaiam Ezechiæ nunciavit mortem eius instare, quod tamen falsum fuit, cūm quindecim annis ultra vixerit. Et exstant multæ tales prophetiæ, quæ videntur similiter fuisse falsæ. Quintus,

Argument. II.

Obiicitur nō nulli Scripture loci in quibus prima facie videri posset De⁹ per se aut per alterum dixisse falsum.

L. i. de Abraham, c. 8.

In cap. Gaudemus, de diuiniis.

est tertio Regum vigesimo secundo, vbi cùm Dominus diceret: *Quis decipiet Regem Achab, &c?* prodiit Spiritus (nequam videlicet) qui suscepit se decepturum & illum & omnes eius Prophetas. Quod Dominus ut faceret ius-
sit, inquiens: *Egredere & fac ita.* Vnde Propheta Michæas ibidem: *Ecce dedit Dominus spiritum mendacij in ore omnium*

^a Iob. 12. v. 17.

Isai. 63. v. 17.

Ezech. 14. v. 9.

Rom. 1. v. 28.

&c.

^b Lib. 83. qq.

q. 53.

^c Lib. de gra-
tia & liber. ar-
bit. c. 21.

Argum. III.

^d 2. Tim. 4.

^e Ibidē, &c.

Argum. IIII.

Prophetarum. Adde quod multis aliis ^a Scripturæ locis aperte dicividetur, Deum solitum esse decipere & trade-
re in reprobum sensum. Ex quibus apparet Deum reipla
decipere, nedum posse id facere de potentia ordinaria
aut absoluta. Quod rursus confirmatur etiam auctori-
tate ^b Augustini, qui negat quidem Deum decipere per
spiritum bonum: concedit tamen eum posse decipere
per spiritum malū. Item ^c alibi fusè docet, solere Deum
mouere etiam hominis mentem ad falsum.

T E R T I O, dato quòd hoc ipsum satis constaret, vi-
delicet verum esse id omne, quod Spiritu sancto dictante
scriptum est, at non videtur satis item constare, id omne
quod in his libris continetur Spiritu sancto dictante esse
scriptum: immò quædam videntur Scriptores Canonicide
suo spiritu interseruisse, præsertim quæ sunt minoris mo-
menti; quale videtur illud, quod Apostolus scribit: ^d *Lu-
cas mecum est.* Et: ^e *Penulam, quam reliqui Troade apud Car-
pum, veniens affer tecum;* & alia horum similia. Ita cùm
non possit facile discerni, quo loco Scriptor Canonicus
infallibiliter loquatur suggestente Spiritu diuino; ex nul-
lo Scripturæ loco argumentum infallibile duci posse
videtur.

Q U A R T O, dato quòd etiam constaret, sententias o-
mnis horum librorum profectas esse ex Spiritu diuino;
at sensus illarum verus admodum obscurus est, nec satis
in controversis materiis exploratus. *Quapropter cùm*
ex sen-

ex ſenſu Scripturæ (quæ ut inquit Diuus^f Hieronymus, *Non in verbis, ſed in ſenſu eſt*) argumentandum ſit; argumen-
ta, quæ ex dubio & incerto ſenſu ducentur, non po-
terunt eſſe ad controuerſias determinandas penitus cer-
ta atq; infallibilia. His igitur rationibus probari videtur,
non poſſe hoſce libros, quos habemus, infallibile argu-
mentum ſuppeditare ad definiendum.

*f In caput 1.
ad Galat.*

CÆTERVM hæc quidem nullo modo vel poſſunt vel
debent mouere eos, qui grauiſſimiſ illis noſtræ fidei mo-
tiuis, à nobis initio huius libri expositis, prudentiſſimè ac Parte L
necessariò adducti iam (Dei beneficio) ſunt, ut doctri-
nam Christianam, atque adeò Scripturam ſacram (quæ
nunc videlicet in Ecclesia habetur) veriſſimam eſſe ſibi
persuadeant. Quo fundamento iacto facilè fuerit aduer-
ſus obiectas rationes defendere, infallibile prorsus argu-
mentum ad definiendum peti poſſe ex hiſ ipſis Biblio-
rum libris, quos Ecclesia hodie usurpat: Id quod ſanè cer-
tiſſimum eſt ex fide.

Nam primum ex ipſa Scriptura ſacra (quam veram
eſſe euincunt illa fidei motua, de quibus dixi) conſtat,
Christum Dominum ſufficiēter prouidere Eccleſiæ ſuæ,
ne tota erret. Errare autem poſſet, ſi libri illi numero,
quibus ut ſacris vtritur, non eſſent ſacri. Certum igitur ex
fide eſt, libros huiusmodi veram & infallibilem veritatem
continere, ſacrosq; eſte.

Probatur I.

Deinde hoc idem confirmatur auctoritate ipſius Ec-
cleſiæ, quæ hoſc ipsos libros tanquam Canonicos recipit.
Ut enim ſuprā dictum eſt, ipſi Eccleſiæ commiſſa eſt cu-
ſtodia librorum ſacrorum. Vnde non minus debemus ci-
credere proponenti nobis hoſc libros, quam ſi ipſos ori-
ginales ſeruaret. Nam ne tunc quidem aliunde comper-
tum haberemus, tales, eſſe libros Canonicos, niſi ex Ec-
cleſiæ

2.

Eclesie testimonio, ut bene ac prudenter hoc loco a Ioan.
ne Driedone notatum est.

L. I. descript.
cap. I.
Reffonsio ad
contraria ar-
gumenta supra
posita.
Ad L.

AD PRIMVM igitur argumentum contrarium, re-
spondetur, potuisse quidem vnum aut alterum interpre-
tem vel impressorem errare, aut etiam aliquos, sed ut o.
mnes omnino errarent, fieri nequaquam potuisse; diui-
na nimurum prouidentia, propter Ecclesiae bonum, id
prohibente. Quam ob rem omnes illi codices (quocun-
que idiomate conscripti fuerint) quibus Ecclesia Catho-
lica, tanquam authenticis in materia fidei, aliquando via
est, certi & indubitati fuerunt, quod attinet ad illa omnia,
in quibus eiusmodi libri cōcordarunt. Nam de locis qui-
dem aliquibus minutioribus non pertinentibus ad ipsa
dogmata fidei, aliqua potuit esse controversia quamdiu
Ecclesia nullam editionem Bibliorum speciali defini-
tione approbavit.

*Fas nō esse iam
dubitare, quin
Vulgata editio
Bibliorum, sit
authentica.*

Sessione 4.

*Quid sit, edi-
tionem illam
esse authenti-
cam.*

Iam vero, post Concilium Tridentinum dubitate
non licet, quin editio vulgata vetus, quæ in primis a Dno
Hieronymo partim conscripta, partim emendata est, di-
uinam doctrinam contineat, sitque per omnia in sensu
quidem concors illi Scripturæ, quæ primò ab auctoribus
sacris Spiritu sancto dictate est excepta. Etenim cuius-
dem Ecclesiæ auctoritate (nempe Romanæ, quæ solave-
ra & Catholica est, ut supra convicimus) qua omnino e-
tiam aliquam esse Scripturam Cronicam constat, in eo
Concilio definitum est, editionem hanc authenticam esse,
grauerique præceptum, ut pro authentica in concioni-
bus, lectionibus, disputationibus, & expositionibus ha-
beatur, nec ullus eam reiicere quovis prætextu audeat
vel præsumat. Esse autem versionem aliquam authen-
ticam, nihil hoc loco aliud est, quam esse eam omnino in
sententia cōformem Scripturæ originali, ac proinde do-
ctrinam

Etinam diuinam continere, ex qua certò possint controuersia fidei determinari.

Quod autem Concilium addit: ne vllus illam quo-
uis prætextu audeat reiicere, id profecto evidenti argu-
mento est, in omnibus omnino locis, & quod attinet ad
omnes Scripturæ sententias, esse hanc editionem ut au-
thenticam à Concilio approbatam. Secus enim, præte-
xtus aliquis superesset, quo, non obstante hac definitione
Concilij, posset aliquando ea editio in disputationibus
reiici: nempe si diceretur, in hoc certè aut in illo loco
non esse huius editionis auctórem Spiritus sancti men-
tem assecutum. At, ne villo unquam prætextu hæc edi-
tio reiiceretur, omnino voluit Concilium prohibere.
In omnibus igitur locis eam haberi voluit pro authen-
tica.

Explicatur de-
cretum Conci-
lii Trid. de edi-
tione Vulgata.

Neq; tamen contendimus, errores etiam Typogra-
phorum (vt Kemnitius & alij Sectarij calumniantur) si
qui in aliqua exemplaria irrepserunt, à Concilio Tridentino
probari: Ut quod obiciunt isti, capite vndecimo Iu-
dicum, pro, Alteram ait, leatum fuisse, Adulteram ait,
& similes quasdam nugas. Sed probauit Concilium ve-
terem eam editionem benè atq; correctè typis impres-
sam. Hanc nimurum definiuit habendam esse pro authen-
tica. Et certè quod ad rem ipsam attinet nihil aduersus
hanc editionem obiciunt Sectarij, quod alicuius sit pō-
deris. Nam quod illam ab Hebraicis aut Græcis exem-
plaribus discrepare dicunt, id vel falsum est, si correctio-
ra exemplaria inspiciantur, vel certè quod ad ipsam sen-
tentiam attinet nihil interest. Ut quod obiciunt, Gene-
sis tertio, dicit ipsa conteret caput tuum; cum dicendū
esset iuxta vim verbi Hebraici, ipso. Eodem enim res
redit. Nam si Filius Virginis Christus Iesus contruit ca-

In examine
secl. 4. Conci-
lii Trid.

put serpentis; ipsa Virgo quoq; suo modo contruit, quatenus genuit nimirum Iesum Salvatorem. Quare non male etiam interpres, propter contextus Latini commoditatem, *Ipsa*, vertit, ut sequentia cum antecedentibus melius Latinè cohærerent. Item, quod obiiciunt, Matth. nono, iuxta Græcam dictionem, dici debere: non venivocare iustos, sed peccatores ad pœnitentiā, eamque postremam voculam in vulgata editione esse omissam, obsecro quid interest? An non enim satis per se intelligitur, peccatores à Christo cùm vocabantur, ad pœnitentiā vocatos fuisse? Sed nolo reliqua omnia persequi, quæ perinde facile expediri possunt.

Porro ex dictis intelligitur, nullo modo autores illos audiendos esse, qui adhuc post Concilium Tridentinum cōtendunt, posse etiam nunc editionem vulgatam per Hebraicos & Græcos codices, tanquam per fontes (vt aiunt) in locis aliquibus, quod ad ipsam sententiam attingat, emendari. Non licet hoc facere. Quin potius Græci & Hebraici codices, sicuti à nostra editione dissident, per nostram corrigendi & emendandi sunt. Nam hanc Ecclesia peculiari definitione per omnia probauit, non illos: quanquam nec illos reiecit, nisi vbi huic nostræ editioni forte contradicerent.

Neque verò possunt illi codices potiori iure fontes iam appellari, quā meditio hac nostra. Primò, quia neq; illi, originales ipsi libri sunt, sed variorum Typographorum opera excusi. Deinde, quoniam magna est etiā horum voluminum varietas, magna etiam eorum interpretum inconstantia, qui illos Latinè ad veritatem fontium, vt ipsi dicunt, vertere conantur: prorsus vt, quemadmodum Melchior Canus argutè ait; non tam fontes vertere, quā ipsi circa fontes verti videantur. Tertiò, quo-

Non licet editionem Vulgatam, quod ad rem sententiam attingat, per Hebraicos aut Græcos codices emendare.

Græci & Hebraici codices nō possunt meliores iure dicti nunc fontes quam editio Vulgata.

*Lib. 2. de locis
Theolog.
capit. 3.*

quoniam & Rabinorum, & aliorum Ecclesiæ Catholicæ hostium, fraude, s̄æpe potuerunt deprauari. Itaque minimè illi in sua origine purè tanquam fontes scaturiunt: sed per varia loca, hoc est, per hominum operas, à quibus infici potuerunt, ad nos deriuati sunt.

Quocirca satius multo est huic vulgatae editioni per Ecclesiam approbatæ fidem adhibere. Quemadmodum etiam quandoq; melius est ex nitido fontis riuulo, quam exturbido ipso fonte aquam ad bibendum haurire. Quæ de re eruditè sanè & diligentissimè scripsit inter alios Canus. Qui nihilominus benè docet, varium ac multipli-
cēm esse linguarum vsum ad Scripturam diuinam & ad hanc ipsam vulgatam editionem intelligendam: non quidem vt illa quoad sensum emendetur, sed vt proprietas originalium, quam ipsa (ob idiomatis diuersitatem) obscurius interdum exprimit, melius percipiatur. Ve-
rūm de primo argumento haec tenus.

Ad secundum respondeo, ne per potentiam quidem suam absolutam posse omnino Deum, qui prima atque summa veritas est, fallere, vel perse, vel per alium: vt nec potest ipse, cùm summa atq; infinita sit bonitas, vel pec-
care, vel ad peccātum impellere. Quod adeò verum est, vt minimè Diuus ^a Augustinus ac Diuus ^b Anselmus scri-
bere dubitauerint, non magis Deum mentiri posse quam Deum esse desinere. Mentiretur autem certè si quen-
quam ipse falleret. Nam cùm omnia ipse sciat; si falsum aliquid significaret; minimè id quidem præter mentem suam, sed planè contra eam significaret; quod ipsum mentiri est.

Ac sanè postquam grauissimis nostræ fidei motiuis necessariò (vt initio h̄bri vidimus) demonstratur, Chri-
stianam doctrinam, atque adeò Scripturam sacram, di-

Lib. 2. de locis
Theolog. c. 12.
13. & 14. & 15.

Ad argumen-
sum 11.

Ne de potentia
quidem abso-
luta posse Deū
per se aut per
aliter fallere.

^a Lib. 1. de
symbol. ad Ca-
techumen.

^b Lib. 1. Cur
Deus homo,
cap. 12.

Deum non pos-
se fallere, quo-
modo probetur.

gnissimam esse assensione prudentum; non est admodum difficile, tanquam ab effectu & consequenti quodam, euincere, per nullam potentiam Deum vel perse vel per alium, quenquam fallere posse. Etenim si Deus vlo modo posset fallere, neque deberemus sanè, neque possemus eniti, vt per fidem supernaturalem, absq; omni formidine, simus penitus certi de veritate doctrinæ Christianæ. At id & possumus & debemus; (vt illis fidei motuis efficitur, & alioquì etiam illi ipsi auctores concedunt, qui temerè existimârunt, Deum fallere per potentiam absolutam posse.) Non potest igitur Deus vlo modo fallere. Hæc enim humanæ mentis natura est, vt nisi nobis persuadeamus, aliquid certo atque infallibili fundamento niti, de eo penitus certi esse non possimus. Si autem Deus potentia absoluta posset fallere, nulla tunc nobis ratio suppeteret, qua nobis persuaderemus, doctrinam fidei aliquo infallibili fundamento niti. Nam quoniam obsecro? An fundamento clarae & evidentis demonstrationis? Minime. Est enim doctrinæ fidei de rebus, vt Apostolus inquit, *non apparentibus*, id est, non manifestenotis. Qualinam igitur, aut quo infallibili fundamento doctrinam fidei niti, persuadere nobis tunc possemus? Num verae reuelationis? nec enim aliud restat. At si Deus natura sua falsum absolute affirmare posset, vnde persuaderemus nobis, eam ipsam reuelationem diuinam doctrinæ fidei, veram ac certam esse? Non certè ex natura Dei, si quis idem ponitur natura sua posse falsum absolute docere. Nec rursum ex ordinata lege ac promissione Dei, quia ille statuerit, se non nisi verum unquam reuelaturum. Cùm enim hanc etiam ipsam legem siue promissionem Dei non possimus cognoscere nisi ex reuelatione diuina, qua ille nimis significauerit id se promisisse ac statuisse:

Hebr. ix.

se: si Deus naturā sua absolute potest dicere falsum, de ea ipsa etiam reuelatione poterimus meritò dubitare; num videlicet tunc Deus vel maximè potestate mentiendi usus sit, cùm nobis significauit nunquam se mentiturum. Ita minimè viam haberemus, vt ex aliqua lege Dei ordinaria ipsum semper esse veracem cognosceremus. Ut enim dictum est, via ad id cognoscendum oporteret esse reuelationem, per quam solam ipsa lex Dei ordinaria in hoc genere innotescere potest; de qua tamen reuelatione, si Deus sua natura fallere potest, in primis dubitaremus.

Cuius sanè argumenti vis hoc exemplo elucescit. Si quem hominem nunquam mentiri, alia ratione cognoscere non possemus, nisi quia ipse dicit statuisse se nunquam mentiri: non utique penitus esse certi possemus, quòd nunquam ille mentiatur. Cùm enim naturā sua mentiri possit, vereri possemus ne tunc vel maximè, cùm se diceret nolle mentiri, mentiretur. Ita igitur, si Deus naturā sua fallere posset, nunquam ex ipsius Dei lege atq; promissione per reuelationem ab ipso patefacta, certò nobis persuaderemus illum nunquam fallere. Veremur enim ne vel illa maximè reuelatione legis atq; promissionis suæ nos falleret.

Huc accedit auctoritas etiam ipsius Scripturæ, quam quidem, vt alioquì ea nobis per communia illa fidei motiva probata est, non perperam ad hoc ipsum confirmandum, nempe Deum naturā sua omnino fallere non posse, usurpabimus. Est, inquit Scriptura, ^a Deus verax, omnis autem homo mendax. Item: ^b Non est Deus quasi homo, ut mentiatur. Quid his in locis & quantum dignitatis existimabimus tribui Deo? An illud tantum, quòd actu quidem ipse non mentiatur, cùm homines ferè mentiri so-

*Exemplo con-
firmatur, non
posse Deum eti-
am potentia
absoluta fallo-
re.*

*Id etiam pro-
bari posse ex
Scriptura.*

^a Rom. 3.
^b Numer. 23.

lent?

leant? Atqui nonnullos etiam homines reperi re liceat, qui prorsus à mendacio abstineant. Non igitur de actu ipso, sed de conditione atque discrimine naturæ vtriusq; videlicet Dei & hominis, sermo ibi est. Nempe ut intelligamus, Deum omnino esse eiusmodi, ut natura sua mentiri & fallere non possit; hominem vero contraria natura præditum esse, ut id possit. Ut, cum simul Scriptura dicit; *Negat esse Deum ut filium hominis, ut mutetur; non tantum certe significat ipsum actu non mutari, sed omnino natura sua mutari nullo modo posse.*

Ac sunt præterea duo Scripturæ loci, qui maximè valent ad hanc ipsam rem confirmandam. Alter est in epistola ad Hebræos. Vbi Apostolus, cum firmatatem promissionis, qua Deus Abraham, & semini eius, benedictionem gratiae suæ pollicitus est, commendare vellet, ita inquit: *Volens Deus abundantius ostendere pollicitationis hereditibus immobilitatem consilij sui, interposuit insurandum, ut per duas res immobiles (scilicet per promissionem, & iuramentum) quibus impossibile est mentiri Deum, fortissimum solatium haberemus.* Hic sanè cum Diuus Paulus negat, potuisse Deum vel in promissione, vel in iuramento mentiri, procul dubio secundum potentiam Dei etiam absolutam loquitur. Nam si solum negat, potuisse Deum mentiri posita ipsius promissione atque lege ordinaria, minimè fortissimum illud solatium haberemus, quod tamennobis Paulus pollicetur. Vereremur enim, ne illa ipsa reuelatione, qua legem eiusmodi & promissionem diuinam cognosceremus, Deus nos defellisset, ut ex eo argumento patet, quod paulò antè fecimus.

Alter locus est in posteriori epistolâ ad Timotheum. Vbi cum similiter idem Apostolus homines certissimos reddere conaretur de diuina promissione: qua præ-

In eodem
loco Num. 23.

Hebræos.

Negat Apolo-
lus posse Deum
etiam potentia-
aboluta falle-
re.

2. Tim. 2.

mium aeternum piis operibus decretum est, ita inquit:
Ille (videlicet Deus) fidelis permanet: Negare seipsum non potest. Quo etiam loco sine dubio negat Deum vila ratione fallere posse. Alioquin penitus certe de diuina promissione (ut vult Apostolus) esse non possemus, quemadmodum antea ostendimus.

Ad Scripturæ autem locos, qui ad confirmandum posse Deum fallere, obiiciebantur, non est difficile respondere. Nam quod ad primum locum attinet, possumus in primis negare, Cain fuisse hominem illum, quem ^a Lamech interfecit. Neque enim id ex Scripturis constat, quin immo à pluribus putatur commentitium. Secundò, dato quod fuerit, non ideo erit in Dei oratione mendaciū. Etenim cùm is ad Cain dixit: *Nequaquam ita fies*: sensus fuit: nequaquam impunè à quoquam interficeris, sicut verebaris. Quæ expositio satis congruit cum ipso textu.

Ad secundum locum quod attinet, sunt qui concedant Abraham dissimulandi caussa fuisse mentitum. Ita ^b Adrianus, quem ^c Canus sequitur. Consequenter iij dicunt, quod Abraham mentitus sit, hoc illum ex instinctu Dei non fecisse; quod verò nesciens prophetauerit verum, hoc esse Deo adscribendum. Atq; ita interpretantur sententiam Diui ^d Ambrosij. Mihi sententia D. ^e Augustini magis placet, qui negat, Abraham tunc mentitum esse. Etsi enim persuaderet sibi fore, ut immolaret filium, sperabat tamen etiam futurum ut confessim ille ad vitam diuinitus reuocaretur, quò possent impleri promissiones. Ita verè potuit dicere: *Expectate hic, ego & puer illuc properantes, postquam adorauerimus, reuertemur ad vos.* Sententiam hanc Augustini sequitur ^f Gabriel, & ^g CARTHUSIANUS in illum locum. Neque obscurè illam insinuauisse videtur Apostolus, cùm dixit: *Fide Abraham obiulit*

*Responso ad
Scripturae locos
supra obiectos,
in quibus Vide-
ri posse Deus
refellit.*
Ad primum.
^a Gen. 4.

*Ad secundum
locum.*
^b Quodlibe-
to i. ad i. ar-
gum. princi-
pale.
^c Lib. 2. delo-
cis Theolog.
cap. 4.
^d Loco supra
citato, lib. i. de
Abraham, c. 8.
^e Serm. 71. &
72. de tempo-
re.

^f In 3. lib. sent.
dist. 3.
^g In illum lo-
cum Gen.

Isaac Deo, cum tentaretur, qui suscepereat reprobationes (ad quem dictum est, quia in Isaac vocabitur tibi semen) ARBITRANS quod à mortuis suscitare potens est Deus, &c.

Affert Carthusianus & aliam expositionem; vt nimis quod solus Abraham erat suo iudicio præstitus, nempe ut rediret, id iuxta usitatum alias Scripturæ phrasim, se & filium facturos fuisse affirmaret. Ad quem modum intelligitur illud: ^h *Videntes autem discipuli, indignati sunt dicentes, ut quid perditio haec? Quod tamen unus ludus dixit. Item illud: Et qui cum eo crucifixi erant, conuiciabantur ei.*

Ad tertium locum quod attinet, plerique concedunt,

Iacob minimè Spiritus sancti afflatu loquutum fuisse, sed ex se fuisse mentitum, cum diceret: *Ego sum primogenitus tuus Esau: neque verò Innocentium aliquid contraria re definiisse, sed exposuisse tantum priuatam suam opinionem, cum asseruit, Iacob, diuinitus inspiratum, ita fuisse loquutum. Cæterum communior sententia*

^a Magistri in
3. d. 38. Alensi.
^b 2. p. membro
^c 6. D. Thom.
^d 22. q. 110. art. 3.
^e &c.
^f 6. Innocentij
^g c. Gaudemus,
de diu. Ambr.
^h 1. z. de Iacob &
vitab. c. 2.
ⁱ Aug. q. 74. in
Gen. & l. 16. de
ciuit. Dei, cap.
^j 37. Chrysost.
hom. 6. in ep.
ad Col. & 53.
in Gen. &c.
^k Lib. 1. de lo
cis Theol. c. 4.
^l d. Gen. 25. ad
Rom. 9.
^m e. Genes. 27.
ⁿ f. Genes. 25.
^o g. Rom. 9.

Doctorum ac^b Patrum est contraria, vt videre est etiam apud Melchiorem Canum, loco citato. Quamvis enim

Iacob naturâ non esset primogenitus: at iure erat ex diuina voluntate, quam vel priuata reuelatione cognovit,

vel ex instructione Rebeccæ matris, quam constat diuinus edoctam fuisse, fore, ^d ut maior seruiret minori, &c.

Potuit ergo Iacob absquemendacio dicere: ^e *Ego sum primogenitus tuus: intelligens, iure, non natura. Ad eum modum, quo populus gentilium, per eundem ipsum Iacob significatus ^f Rebeccæ, postquam per fidem, Abraham successit, potuit verè dicere, se iure & voluntate diuina solum esse verum & heredem Abraham, quod ad diuinæ promissiones attinet: vti perspicue Diuus Paulus verbis illis ostendit; ^g Non omnes qui ex Israel sunt, ^{ij} sunt Israelites,*

^{ntq}

neg, qui semen sunt Abrahæ, omnes filii eius, sed qui filii sunt promissionis, estimantur in semine.

Ad quartum locum respondetur primò, sententiam illam fuisse comminatoriam, quæ, ut rectè inter cæteros explanauit Canus, iuxta communem loquendi usum, accipienda est tacita quadam conditione intellecta: Si nimirum is, ad quem dirigitur comminatio, non resipiscat. Resipuit autem Ezechias. Itaque nulla fuit in oratione Isaiæ falsitas, siquidem defuit conditio. Secundò ad eam responsionem & hoc addendum est: Deum per Prophetas solitum esse prænunciare, non modò id, quod omnibus consideratis futurum est; sed etiam id, quod attendendo ad aliquas inferiores caussas; ut ad meritahominum, &c. verè iudicari potest esse futurum, tametsi ex voluntate diuina, & spectatis omnibus caussis, secus futurum sit. Atque hoc modo Isaias eo loco verè prædixit mortem Ezechiae, videlicet spectata quidem causa particulari, hoc est, solum respiciendo ad merita ipsius in praesentia. Ita similes quoque prophetias interpretatur rectissimè Diuus ^h Thomas.

Ad quintum Scripturæ locum respondeo, non illo significari propriè Dei præceptum, quasi is positivè (ut claritatis causa in Scholis loquimur) impulerit spiritum nequam ad decipiendum, sed significatur diuina petmisiō, quæ in Scripturis plerunque codem genere sermonis designatur, quo præceptū & positiva voluntas Dei. Ita intelligitur illud Christi, ad prædictorem Iudam: ⁱ Quod facis fac citius, sicut ^k Canus etiam rectè annotauit. Atque codem modo ad omnes alios Scripturæ locos, qui sunt eiusdem generis, respondemus: neque aliter etiam intelligi debet Diuus Augustinus. Quod enim is ait, per spiritum malum Deum solitum esse decipere, non per bo-

Ad quartum locum.

Lib. 2. cap. 4.

Qui fiat & alio quando non evenierit quod fuit diuinus prænuntiatus.

*h I. parte Summa q. 19. ar. 7.
ad 2. arg. & 12.
q. 17. ar. 6. ad*

*2. argum.
Ad quintum locum.*

i Ioan. 13.

k Lib. 2. de locis vbi supra.

*Lib. 83. qq. q.
53.*

y 2 num,

num, ideo dicit, quod spiritus malus sit, qui permittente Deo decipere solet; quod ille non solet permettere ut fiat per spiritum bonum. Ac est etiam illud hoc loco diligenter notandum: quamuis Deus ipse per se neminem (ut dictum est) in errorem aut etiam in peccatum impellat, tamen suo quodam iusto iudicio ad res quasdam per se alio, qui non malas quandoque homines impellere, quibus rebus ipse praeuidet eos ad errorem peccatumque abusuros; idque ipsum ut fiat, certo quodam consilio statuit permittere. Atque haec videlicet ratio est, quam ob rem in quibusdam praesertim Scripturæ locis ita significetur eiusmodi Dei permissione quasi ipse per se traderet homines in reprobum sensum ad peccandumque impelleret. Nimirum ita Scriptura loquitur, quoniam eius re certe, ex qua sumit aliquis occasionem erroris peccati que, Deus (& quidem peculiari quandoque consilio & prouidentia) est causa. Quæ explicatio disputationes quoque D. Augustini de hoc genere, tum alias, tum maxime in libro de gratia & libero arbitrio, non parum illustrare potest. Nam quod non nisi permittendo alioquin Deus tradat in reprobum sensum, ipse etiam Augustinus ad extremum satis declarat in illo codem^m libro. Sed de secundo argumento nimium multa fortassis.

Ad argum. III. principale.

AD TERTIVM respondetur. Nihil omnino in Scripturis esse, quod peculiari Spiritus sancti instinctu scriptum non sit. Quod patet profectò ex communi etiam consensu fidelium, manifesteque probatur ex eo, quod si aliquid humano spiritu auctores sacri scribere potuerunt, magna ex parte Scripturarum labefactaretur auctoritas. Poterit enim qui quis dubitare, ubinam spiritu proprio, ubi diuino auctor loqueretur. Neque facile esset discernere in hoc genere, quæ leuioris, quæ grauioris essent

essent momenti: vt optimè "Canus differit ad coarguentum tum Erasmi, tum aliorum quorundam veterum errorum, quos Hieronymus sensisse commemorat, Scriptores Canonicos in rebus maioris momenti Spiritu sancto afflatos scripsisse, in leuioribus autem potuisse hallucinari. Certè Diuus Paulus, *Omnem Scripturam dñi unitus inspiratam, vitilem esse pronunciat.* Itaq; nihil est in ea, quod vel per se, vel ad alia relatum, non sit magni momenti. Petrus quoque absolutè sine omni exceptione ait: *Spiritu Dei inspiratos, locutos esse sanctos Dei homines.* Quare dubium esse non debet, quin omnes & singulæ Scripturarum particulæ sint Spiritu sancto dictante exaratae. Id quod meritò etiam in Concilio Tridentino sub anathemate definitur.

z Lib. 2. de locis, cap. 10.

o In caput 5. Michæz.

2. Tim. 3.

2. Petri 1.

Sessione 4.

A D Q V A R T V M argumentum quid respondendum sit, facilè patet ex dictis. Vt cunq; enim Scriptura difficulter intelligendum sit, tamen ille sine omni dubitacione verus atq; genuinus Scripturæ est sensus, quem Ecclesia Spiritu sancto suggeste afferit. Atque ita non deest modus ex Scriptura depromendi infallibilia argumenta ad definiendas controversias. Fatendum tamen est, multos esse locos Scripturæ, ex quibus, quoniam eorum sententia neq; euidenter per se patet, neq; auctoritate Ecclesiæ satis declarata est, pō potest argumentum firmum duci ad faciendam fidem. Sed & nonnullæ quoq; controversiæ sunt, quæ per Scripturam solam definiri satis ac determinari nequeunt, vt suprà demonstrauimus, atque etiam paulò pōst necessariò repetetur.

Ad arg. IIII.

A D postremum caput quod attinet, latissimè de ratione interpretandarum Scripturarum scripsit inter ceteros Driedo libro tertio de dogmatibus Scripturæ, & Caterinus de clauibus Scripturæ, & Michaël Medina.

V.

Quæ innare possint ad rectâ Scripturæ interpretationem.

y 3 Nos

Nos breuiter præcipua quædam documenta ad eam rem trademus (quæ partim suprà etiam attigimus, cùm de Scripturæ obscuritate ageremus) ex doctrina Diui Augustini potissimum collecta in libris quatuor de doctrina Christiana, quos ille hac de re doctissimè scriptit.

*Documentum I.
ad Scripturam
intelligendam
Stile.*
Ex Aug. lib. 2.
de doctrina
Christi. c. 8.

Psalm. 154

a Actio. 24

b Aug. lib. 2.
de doct. Chri-
stian. cap 25.
& 26.

Docum. II.

Primum documentum est, vt quis benè perspectos habere studeat libros omnes Scripturæ sacræ, in eorum lectione, quantumvis multa nō intelligat, assidue versetur. Erit enim, inquit Augustinus, diuinarum Scripturarum solertissimus indagator, qui primò totas legerit notasq; habuerit, si nondum intellectu, iam tamen lectione. Et infra: Prima, inquit, huius laboris obseruatio est, nosse istos libros, et si nondum ad intellectum, legēdo tamen vel mandare memoria, vel omnino incognitos non habere. Ac ratio huius documenti est, quoniam multorum locorum obscuri sensus disertis verbis sunt aliis quibusdam in locis explicati, quos idcirco minimè ignorare is poterit, qui Scripturam totam assida lectione reddiderit sibi familiarem. Sicut illud Psal: *Nec dabis sanctum tuum videre corruptionem;* sanctus Petrus ad Christi corpus in sepulchro positum pertinere est ^ainterpretatus, vt iam similia exempla multa præterea. Accedit, quod et si sensus unius loci obscurus in nullo alio loco diserte explanetur; tamen ex diligēti locorum ^bcollatione sepe colligi poterit, quod sanè videmus passim, & magno cum fructu veteres Patres in Scripturis interpretandis factitatsc.

Secundum documentum est, vt quis similiter multum in lectione Patrum, Conciliorum, & Decretorum Pontificum versetur. Cuius documenti ratio ferè eadem est. Passim enim à Conciliis, à Pontificibus, ab aliisque Patribus Scripturæ sacræ loci obscuriores declarantur.

Tertium

Tertium est, vt quis etiam probè teneat eam lingua
qua sacrae literæ vel traditæ vel expositæ sunt; itemq; fi-
guras seu tropos loquendi in illa visitatos: quorum est sa-
nè in sacra Scriptura frequentissimus idemq; multiplex
ac varius usus. Hinc enim quod de Christo dicitur, ple-
rumq; de eius membris intelligi oportet, & quod de vna
ciuitate de tota prouincia, &c. Etsi autem ob hanccaus-
sam vtile sit Græcas etiam & Hebraicas literas, ob earum
etiam proprios quosdam modos, callere: tamen vt rectè
etiam notat Ioannes.^c Driedo, & possumus quoq; colli-
gere ex Diuo.^d Augustino, non est id iam prorsus necessa-
rium, posteaquam tam multi sunt, qui Latinè beneq; do-
ctè explicuerunt difficultates omnes, quæ ex earum lin-
guarum proprietate oriuntur.

Quartum documentum est, vt quis artium libera-
lium cognitione & scientia naturalium rerum, quoad
eius fieri possit, instructus ad sacrarum literarū studium
accedat. Ita enim earum rerum proprietates cognoscat,
quarum nominibus diuina mysteria sæpe in Scriptura sa-
cra metaphoricè declarantur: atque adeò facilius etiam
intelliget, quid Spiritus sanctus eiusmodi rerum simili-
tudine significare voluerit. In primis autem Diuus Au-
gustinus docet, utilem esse Dialecticam ad discernen-
dum in Scripturarum expositione quæ sint fidem conse-
quentia; & quæ contrà veræ fidei repugnant. Itemque
in vniuersum affirmat, nos omnino vti debere scientiis
Philosophorum, repudiatis tamē eorum erroribus. Ve-
ritates enim (quas iniustè & indignè Philosophi posside-
bant) quasi thesaurum quendam erutum ex fodiinis diui-
næ prouidentiæ vbique diffusæ, debere nos nostro iure ad
Scripturas intelligendas usurpare. Sicut filij Israël reli-
ctis

Docum. III.
Aug. lib. 2. de
doctr. Christ.
c. 10. & 11.

*c Lib. 2. de do-
cumentis sacrae
Script. tract. L
cap. 2.*

*d Lib. 2. de
doctr. Christ.
cap. 5. & c. 12.*

Docum. IIII.
Aug. lib. 2. de
doctr. Christ.
c. 16. 28. & 29.
3L 36. 37. 40.

*Lib. 2. de doct.
Christ. c. 31.*

Ibidem c. 49.

Exod. 11. & 12. Etis Aegyptiorum idolis, cum ex Aegypto discederent, vas aurea & argentea illis surripuerunt.

Document. V.
Aug. lib. 2. de
doctr. Christ.
c. 36. & lib. 3. c.
2. & 3. & 26.
& 27.

e Id explicat.
Aug. lib. 2. de
doctr. Christ.
cap. 7.
f Lib. 2. de do
ctr. Christia
c. 36. & idem
lib. 3. c. 26.

Document. VI.
Quod poti
sum collig
itur ex lib. 3.
de doctr. Chri
stia, cap. 12. &
deinceps.
Matth. 18.

Quintum documentum, idq; latissimè patens, est, vt
si quis locus est ambiguus; vel propter obscuritatem di
ctionis, quia dubium est, quomodo sit distinguenda vel
pronuncianda, num serio an ironicè, absolutè an per in
terrogationem, &c. vel etiam ob significatarum rerum
obscuritatem; consulat quis alia dogmata fidei clario
ra, antecedentiaq; & consequentia perpendat. His enim
diligenter consideratis, quamcunq; sententiam aliquis
ex eiusmodi Scripturæ loco eliciendam putet, modo fi
dei consentanea illa sit, & caritatem Dei & proximi, quæ
finis est sacrarum literarum, promouere possit; Non fal
letur perniciose (inquit sanctus Augustinus) etiamsi non
assequatur id ipsum, quod Scriptor Canonicus inten
dit.

Sextum documentum est, vt consulatur etiam ra
tio naturalis. Nam et si multa supra rationem natura
lem doceat Scriptura; tamen nihil omnino contra illam
docet. Ut cum dicitur: *Si oculus tuus scandalizat te, erue
illum & proice abs te;* Ipsa certè ratio admonere nos de
bet, ne huiusmodi locum intelligamus propriè sicut ver
ba ipsa sonant. Atq; huius quidem documenti, quò quis
que doctior & in animaduertenda vi rationis naturalis
perspicacior fuerit, cò quoq; maiorem usum habere po
terit. Deniq; intelligentia Scripturarum in primis à Deo
cum vera animi submissione petenda est, qui dat omni
bus affluenter & nō improperat. Et hæc quidem de Scri
pturis sacris summatim exposuisse sufficiat.

DE